

Oplosmiddelvrye-transformasie van bensielalkohol na bensaldehied oor koper- en sink-gemodifiseerde fosfomolibdeensuur-katalisators by kamertemperatuur

Outeurs:
Jhansi Pedada
Holger B Friedrich
Sooboo Singh

Affiliasies:
Skool vir Chemie en Fisika,
Universiteit van KwaZulu-Natal, Durban, Suid-Afrika,
4000

Korresponderende outeur:
Sooboo Singh
Epos: singhso@ukzn.ac.za

Datums:
Ontvang: 19/02/21
Aanvaar: 28/04/21
Gepubliseer: 06/07/21

Hoe om hierdie artikel aan te haal:
Jhansi Pedada, Holger B Friedrich, Sooboo Singh, Oplosmiddelvrye-transformasie van bensielalkohol na bensaldehied oor koper- en sink-gemodifiseerde fosfomolibdeensuur-katalisators by kamertemperatuur, *Suid-Afrikaanse Tydskrif vir Natuurwetenskap en Tegnologie* 40(1) (2021). <https://doi.org/10.36303/SATNT.2021.40.1.842>

An English copy of this paper is available online at <http://www.satnt.ac.za/index.php/satnt/article/view/842>

Kopiereg:
© 2021. Authors.
Licensee: Die Suid-Afrikaanse Akademie vir Wetenskap en Kuns.
Hierdie werk is onder die Creative Commons Attribution License gelysensieer.

Koper- en sinkuitgeruilde heteropolisuurkatalisators is gesintetiseer en gekarakteriseer deur verskeie tegnieke soos X-straalendiffraksie (XSD), infrarooispektroskopie (IR), piridien-geadsorbeerde infrarooispektroskopie, BET-oppervlakanalise, ^{31}P KMR-spektroskopie en Induktief Gekoppelde Plasma Optiese Emissiespektroskopie (IGP-OES) om die fisies-chemiese eienskappe daarvan te ondersoek. Poeier-X-straalendiffraktogramme het getoon dat kristalliete van die Keggin-foon van die heteropolisuur teenwoordig was en dat dit behoue gebly het na metaalmodifikasie. Piridien-geadsorbeerde infrarooispektroskopie het aangedui dat die Brønsted/Lewis-suurplekverhouding toegeneem het in die metaal-uitgeruilde fosfomolibdeensuur-katalisators, terwyl daar 'n afname was in hierdie verhouding vir die gemodifiseerde fosfowolframsuurkatalisators. ^{31}P NMR-spektra het getoon dat die metaal suksesvol met protone uitgeruil is en nie geïnkorporeer is in die primêre struktuur van heteropolisuurkatalisator nie; dus is die Keggin-foon behou. In die oksidasie van bensielalkohol deur metaaluitgeruilde katalisators, het die Zn-uitgeruilde fosfomolibdeensuur-katalisators hoér oksidasie-aktiwiteit getoon wat goed gekorreleer het met die suurheid van die katalisators.

Trefwoorde: PMA, PTA, bensielalkohol, bensaldehied, TBHP

Solvent free transformation of benzyl alcohol to benzaldehyde over copper and zinc modified phosphomolybdic acid catalysts at room temperature: Copper and zinc exchanged heteropolyacid catalysts were synthesised and characterised by various techniques such as X-ray diffraction, infrared spectroscopy, pyridine adsorbed infrared spectroscopy, BET surface studies, ^{31}P NMR spectroscopy and inductively coupled plasma-optical emission spectroscopy to investigate its physico-chemical properties. Powder X-ray diffractograms showed that crystallites of the Keggin ion of the heteropolyacid were present and were retained after metal modification. Pyridine adsorbed infrared indicated that the Brønsted/Lewis acid site ratio increased in the metal exchanged phosphomolybdic acid catalysts, whereas there was a decrease in this ratio for the modified phosphotungstic acid catalysts. ^{31}P NMR spectra showed that the metal was successfully exchanged with protons and was not incorporated in the primary structure of heteropolyacid catalyst, thus maintaining the Keggin ion. In the oxidation of benzyl alcohol over metal exchanged catalysts, the Zn exchanged phosphomolybdic acid catalysts showed higher oxidation activity and correlated well with the acidity of the catalysts.

Keywords: PMA, PTA, benzyl alcohol, benzaldehyde, TBHP

Inleiding

Die omskakeling van bensielalkohol in bensaldehied onder omgewingsvriendelike toestande bly gewild en is 'n uitdaging vir die akademiese sektor en die chemiese industrie as gevolg van die belangrikheid van bensaldehied in basiese en toegepaste navorsing (Fey et al., 2001; Franz et al., 1991; Regen en Koteel, 1977; Sheldon, 1991; Xia et al., 2005). Bensaldehied is 'n veelsydige aromatiese karbonielverbinding wat in die parfuum-, skoonheids- en landbouchemiese nywerhede gebruik word. Verskeie katalytiese materiale is ontwikkel om bensaldehied uit bensielalkohol te produseer deur homogene en heterogene oksidasiekatalise (Bordoloi et al., 2008; Chen et al., 2014; Farsani et al., 2014 Nadealian et al., 2012; Nikbakht et al., 2015; Pathan

en Patel, 2104; Tundo et al., 2010). By homogene katalise word probleme ondervind met die herwinning van die katalisator en is groot hoeveelhede oplosmiddels nodig wat duur en nie omgewingsvriendelik is nie. As gevolg hiervan het oplosmiddelvrye heterogene katalisators meer aandag gekry weens die maklike herwinning en herwinbaarheid. Van die verskillende materiale wat bestudeer is, het vaste-suurstukkatalisiese materiale, soos heteropolisure, gewild geword weens die bifunksionele suur- en redoks-karakter daarvan (Choi et al., 2014; Choudhary et al., 2009; Fan et al., 2016; Farhadi and Zaidi, 2009; Haimov en Neumann, 2002; Hasannia en Yadollahi, 2015; Ma et al., 2017; Palermo et al., 2014; Park et al., 2015; Zhao et al., 2013). Daarbenewens is dit 'n groot voordeel dat die suur-basis- en redoks-eienskappe ingestel kan word deur eenvoudige uitruil van protone met metale.

Zn- en Cu- uitgeruilde heteropolisuurkatalisators is bestudeer met betrekking tot verskeie reaksies, soos die Knoevenagel-kondensasiereaksie, oksidasiereaksies en suurgekataliseerde organiese transformasies (Jagadeeswaraiah et al., 2014; Patil et al., 2014; Rao et al., 2012; Pope, 1991; Viswanadham et al., 2016). Khabazzadeh et al. (2009) het $\text{Cu}_{1.5}\text{PMo}_{12}\text{O}_{40}$ en $\text{Cu}_{1.5}\text{PW}_{12}\text{O}_{40}$ herbruikbare en doeltreffende katalisators ontwikkel vir die bereiding van 1-amidoalkiel-2-naftole, terwyl Patil et al. (2014) die laetemperatuur-aktivering van metaan oor 'n Zn-uitgeruilde heteropolisuur bestudeer het wat geleid het tot die selektiewe vorming van metanol en asynsuur tydens die reaksie. Jagadeeswaraiah et al. (2014) het aangetoon dat die toevoeging van Zn^{2+} ione in die sekondêre struktuur van heteropolisure doeltreffend was tydens gliserolkarbonaat-sintese uit gliserol en ureum, terwyl Rao et al. (2012), wat niobia ondersteun op Zn-uitgeruilde fosfowolframsuur berei het, opgemerk het dat die katalisators goeie aktiwiteit getoon het tydens die omskakeling van furfurielalkohol na butiellevulinaat en dit in verband gebring het met die suurposisies van katalisators. In 'n studie wat gedoen is met behulp van Cu-fosfomolibdeensuur (Cu-PMA), het die outeurs bevind dat die Cu-katalisator beter katalisiese werkverrigting toon as die blanko, dit wil sê fosfomolibdeensuur (PMA). Hierdie beduidende toename in die aktiwiteit van die katalisator is gekorreleer met sy strukturele en suureienskappe.

Die doel van die huidige ondersoek was om verskeie Cu- en Zn-uitgeruilde heteropolisuurkatalisators te ontwikkel vir die oksidasie van bensielalkohol en om die invloed van verskillende reaksieparameters soos reaksietemperatuur, katalisatorbelading, molverhouding van reaktant tot oksidant, verskillende oksidante, "tyd-in-stroom" en regenerasie vir hierdie reaksie te verstaan.

Eksperimenteel

Katalisatorvoorbereiding

$\text{H}_3\text{PMo}_{12}\text{O}_{40}$ en $\text{H}_3\text{PW}_{12}\text{O}_{40}$, sinksultaathidraat, kopersulfaat-hidraat en bariumhidroksied is van Sigma-Aldrich (RSA)

verkry. Die Zn- en Cu-uitgeruilde katalisators is volgens 'n metode wat vroeër beskryf is (Pope, 1991), gesintetiseer. In 'n tipiese sintese is 0.10 M bariumhidroksied by 'n waterige mengsel van 0.22 M fosfomolibdeensuur in 5 mL gedistilleerde water gevoeg. Daarna is 0.15 M van $\text{CuSO}_4 \cdot 5\text{H}_2\text{O}$ bygevoeg om barium met koper te vervang deur die neerslag van die barium as BaSO_4 . Die $\text{Cu}_{1.5}\text{PMo}_{12}\text{O}_{40}$ vastestof is deur sentrifugering herwin en vir 10 uur by 100 °C in 'n oond gedroog. Dié katalisator is aangedui as Cu-PMA. Op dieselfde wyse is die ander katalisators, naamlik $\text{Cu}_{1.5}\text{PW}_{12}\text{O}_{40}$, $\text{Zn}_{1.5}\text{PMo}_{12}\text{O}_{40}$ en $\text{Zn}_{1.5}\text{PW}_{12}\text{O}_{40}$ onderskeidelik aangedui as Cu-PTA, Zn-PMA en Zn-PTA, gesintetiseer.

Katalisatorkarakterisering

Poeier-X-straaldiffraksiepatrone van geselecteerde katalisators is verkry met behulp van 'n Bruker D8 Advance-diffraktometer met 'n gekoppelde Lynxeye-detektor, wat toegerus is met 'n Cu K_α -stralingsbron ($\lambda = 1.5406\text{\AA}$) by 40 kV en 30 mA. Die 2θ-metings is in stappe van 0.045° met 'n teltyd van 0.5 s in die gebied 5° tot 40° opgeneem. Die oppervlak-area is met behulp van N_2 -adsorpsie-isoterme by 196 °C deur die multipunt BET metode bepaal met 0.162 nm² as die deursnee-area. Voor hierdie eksperimente is die materiale oornag by 200 °C in 'n heliumvloeい met behulp van 'n Micrometrics Flow Prep 060 ontgasser ontgas en alle eksperimente is uitgevoer teen 'n relatiewe drukbereik (P/P₀) van 0.05 tot 0.9. Infrarooi (IR) spektra is op 'n Perkin Elmer opgeneem, toegerus met 'n universele diamant-ATR-monsterbykomstigheid. Die verpoeierde materiaal is op die diamantkristal geplaas en 'n krag van 120 psi is aangelê om behoorlike kontak tussen die materiaal en die kristal te verseker. Die spektra is met behulp van Spectrum 100-sagteware geanalyseer. Ex-situ piridien geadsorbeerde FT-IR eksperimente is uitgevoer op 'n Perkin Elmer ATR spektrometer by kamertemperatuur. Piridienadsorpsie-eksperimente is voor analise uitgevoer deur 'n druppel piridien op 'n klein hoeveelheid van die katalisator te plaas, gevolg deur evakuering vir 1 uur in lug om die omkeerbaar geadsorbeerde piridien te verwijder. Die metaalinhoude is bepaal deur IGP-OES-analise met behulp van 'n Perkin Elmer Optima 5300 DV-spektrometer, terwyl ^{31}P -KMR-spektra op 'n Bruker Advance 400 MHz-spektrometer opgeneem is, waar chemiese verskuiwings gerapporteer is relatief tot 85% H_3PO_4 in D_2O . Laasgenoemde is gebruik as eksterne standaard by 298 K.


Die oplosmiddelvrye oksidasie van bensielalkohol is in 'n 10 ml rondebolfles by kamertemperatuur bestudeer. In 'n tipiese eksperiment is 10 mmol bensielalkohol, 10 mmol 70% TBHP en 0.05 g van die katalisator onder roering in die fles geplaas. Die reaksie is voortdurend gemonitor deur 'n Perkin Elmer Auto-gaschromatograaf wat toegerus was met 'n vlamionisasiedetektor (GC-VID), en TurboMatrix™ sagteware is gebruik. Die katalisator is herwin en weer gebruik vir die reaksie deur herhaling van die beskryfde prosedure.

Resultate en bespreking


Karakterisering van katalisators

X-straaldiffraksieprofiel van die stam (PMA) en die metaal uitgeruilde heteropolisuurkatalisators word in Figuur 1 getoon. Die suiwer fosfomolibdeensuur (PMA), Cu-PMA- en Zn-PMA-katalisators vertoon verskillende diffraksiepieke by $2\theta = 8.2^\circ$, 9.1° , 26.5° en 28.8° en verteenwoordig kenmerkende diffraksiepieke van die primêre struktuur van 'n Keggin-foon (Viswanadham et al., 2016). Daarteenoor, in die geval van PTA-, Cu-PTA- en Zn-PTA-katalisators het die kenmerkende Keggin-foon van die stam PTA egter ongeskonde gebly na belading van Cu en Zn. Infrarooispektroskopie bevestig ook die primêre struktuur van die Keggin-foon. Ex-situ piridienstudies is uitgevoer om die relatiewe suurheid van die katalisators te bepaal. Die infrarooibande by 1529 – 1538 , 1483 – 1487 , 1439 – 1442 cm^{-1} verteenwoordig onderskeidelik Brønsted (B), Brønsted + Lewis- (B + L) en Lewis (L) suurposisies (Figuur 2).

Die B/L suurposisieverhouding het aansienlik toegeneem vir die metaaluitgeruilde PMA-katalisators, maar het




FIGUUR 1: Poeier-XSD-profiel van (a) PMA-, (b) Cu-PMA-, (c) Zn-PMA-, (d) PTA-, (e) Cu-PTA- en (f) Zn-PTA-katalisators.



FIGUUR 2: Piridien-vingerafdruk-infrarooispektre van (a) PMA, (b) Cu-PMA, (c) Zn-PMA, (d) PTA, (e) Cu-PTA, (f) Zn-PTA en (g) geregenereerde Zn-PMA katalisators (B = Brønsted en L = Lewis).

afgeneem in die geval van PTA-katalisators. ^{31}P NMR-spektra van die stam, Cu en Zn metaaluitgeruilde heteropolisuurkatalisators toon die teenwoordigheid van 'n enkele sein by -3.89 ppm weens die fosforatome in die PMA, terwyl dit by PTA waargeneem is by -15.20 ppm (Figuur 3).



FIGUUR 3: ^{31}P NMR spektra van (a) PMA, (b) 0.5CuPTA en (c) PTA

Na die uitruil van die Cu met Zn vertoon die katalisators 'n effense verskuiwing in die piek, maar dit het geen noemenswaardige effek in die fosforomgewing wat gehandhaaf word nie. Hierdie resultate stem goed ooreen met studies wat deur ander navorsers gedoen is (Rao et al., 2012; Viswanadham et al., 2016). IGP-analises en BET-oppervlakareas van die metaaluitgeruilde heteropolisuurkatalisatore se resultate word in Tabel 1 getabelléer.

TABEL 1: BET oppervlakarea, elementsamestelling en B/L suurposisies van Cu-en Zn-uitgeruilde heteropolisuurkatalisators

Katalisator	Oppervlakte (m^2/g)	Cu/Zn-belading Bereken. (%)	Cu/Zn-belading Expt. (%)	B/L verhouding
PMA	2.5	–	–	0.44
Cu-PMA	6.9	1.5	1.42	0.46
Zn-PMA	2.1	1.5	1.46	0.59
PTA	4.5	–	–	0.60
Cu-PTA	7.5	1.5	1.45	0.54
Zn-PTA	1.8	1.5	1.49	0.55
Zn-PMA (regen.)	2.0	1.5	1.44	0.58

B / L = Brønsted / Lewis

Hierdie bevindinge toon aan dat die teoretiese metaalbelading van die uitgeruilde katalisators goed ooreenstem met eksperimentele waardes. Die geregenereerde katalisator toon minimale verandering in die metaalinhou. Daar was 'n toename in die oppervlakarea van koperuitgeruilde katalisators in vergelyking met die oorspronklike, terwyl 'n afname vir die Zn-katalisators waargeneem is; waarskynlik as gevolg van die metaalgrootte.

Die ^{31}P KMR-spektra van die stam, Cu- en Zn-metaaluitgeruilde heteropolisuurkatalisators toon die teenwoordigheid van 'n enkele sein by -3.89 ppm weens die fosforatome in die PMA, terwyl vir PTA dit waargeneem is by -15.20 ppm . Na uitruiling met Cu en Zn vertoon die

katalisators 'n geringe skuif in die piek, wat geen effek op die fosforomgewing het, wat behoue bly. Hierdie resultate kom goed ooreen met studies van ander navorsers (Rao et al., 2012; Viswanadham et al., 2016).

Katalitische toetsing

Die katalitische eienskappe is bestudeer met inagneming van verskillende reaksieparameters, soos die aard van die katalisator, die katalisatorbelading, TBHP*-konsentrasie, die tipe oksidant, konsentrasie van die reaktant en die reaksietemperatuur. "Tyd-in-stroom" en regenerasie-eksperimente is ook uitgevoer. Die katalitische oksidasie van bensielalkohol is uitgevoer oor die Cu- en Zn-uitgeruilde heteropolisuurkatalisators onder 'n stikstofatmosfeer. Die resultate word in Tabel 2 weergegee. (TBHP* = tersbutielhidroperoksied)

Blanko eksperimente wat onder soortgelyke reaksietoestande uitgevoer is, het 'n bensielalkoholomskakeling van 8,0% getoon met hoë selektiwiteit teenoor bensaldehied. Die stam-heteropolisure, fosfomolibdeensuur het 'n 14.5% omskakeling getoon, terwyl fosfotungstensuur 'n 13.5% omskakeling getoon het. In beide gevalle was bensaldehied die belangrikste produk, wat met baie hoë selektiwiteit verkry is. Onder die Cu- en Zn-uitgeruilde heteropolisuurkatalisators het Zn-PMA katalisators effens beter gevaa in vergelyking met stam- en ander metaal-uitgeruilde heteropolisuurkatalisators; waarskynlik as gevolg van 'n effens hoër B/L-suursposisieverhouding.

Die katalitische eienskappe van verskillende hoeveelhede Zn-PMA-katalisators is bestudeer en die resultate word in Tabel 3 weergegee.

TABEL 2: Katalitische resultate van die oksidasie van bensielalkohol oor stam-en metaal-uitgeruilde heteropolisuurkatalisators

Katalisator	Omskakeling (%)	Selektiwiteit (%)		TON
		Bensaldehied	Bensoësuur	
Blanko	8	94	6	-
PMA	15	96	4	30
Cu-PMA	23	95	5	48
Zn-PMA	25	85	15	53
PTA	14	98	2	28
Cu-PTA	22	96	4	46
Zn-PTA	24	94	6	50

Reaksietoestande: bensielalkohol (10 mmol), TBHP (10 mmol), katalisator (0,1 g), reaksietemperatuur = kamertemperatuur, reaksietyd = 24 uur, TON = aantal mol produkte/aantal mol katalisator. (Eksperimente in drievoud uitgevoer).

TABEL 3: Katalitische resultate van bensielalkoholoksidasie oor verskillende katalitische hoeveelhede Zn-uitgeruilde PMA katalisators.

Katalisator hoeveelheid (g)	Omskakeling (%)	Selektiwiteit (%)		
		Bensaldehied	Bensoësuur	
0,025	23	76	24	
0,05	40	83	17	
0,1	25	85	15	
0,2	26	86	14	

Reaksietoestande: bensielalkohol (10 mmol), TBHP (10 mmol), reaksietemperatuur = kamertemperatuur, reaksietyd = 24 uur. (Eksperimente in drievoud uitgevoer).

Hierdie bevindings duï aan dat die katalitische aktiwiteit toegeneem het namate die belading van 0.025 tot 0.05 g toegeneem het. Katalisators met hoër beladings het geleë tot 'n effense toename in die katalitische aktiwiteit. Die optimale katalisatorhoeveelheid was 0.05 g en is gebruik in daaropvolgende studies met ander parameters. 'n Toename in die TBHP-konsentrasie het geleë tot 'n toename in die oksidasie-aktiwiteit, maar 'n afname in die selektiwiteit teenoor bensaldehied. Daar is tot die gevolg trekking gekom dat die optimale waarde van die TBHP 10 mmol TBHP was deur inagneming van sowel omskakeling as die selektiwiteit teenoor bensaldehied (Tabel 4).

Die oksidasievermoë van verskillende oksidante, soos lug, H₂O₂ en TBHP vir bensielalkohol-oksidasie is beoordeel oor Zn-PMA katalisators (Tabel 5).

Hierdie bevindings duï aan dat TBHP die doeltreffendste was tydens die oksidasiereaksie. Lug was egter selektiever, hoewel die aktiwiteit relatief swak was by kamertemperatuur. Die effek van die bensielalkoholkonsentrasie op Zn-PMA-katalisators is onder dieselfde reaksietoestande bestudeer en die resultate word in Tabel 6 weergegee. Die omskakeling was die hoogste vir 'n 2%-voermateriaal, maar die selektiwiteit teenoor bensaldehied was laag en meer bensoësuur is waargeneem.

TABEL 4: Katalitische resultate van bensielalkohol-oksidasie met verskillende hoeveelhede TBHP oor Zn-uitgeruilde PMA-katalisators.

TBHP (mmol)	Omskakeling (%)	Selektiwiteit (%)	
		Bensaldehied	Bensoësuur
5	22	98.0	2.0
10	40	83.5	16.5
20	47	76.0	24.0
30	50	74.0	26.0

Reaksietoestande: bensielalkohol (10 mmol), TBHP (5-30 mmol), katalisator (0,05 g), reaksietemperatuur = kamertemperatuur, reaksietyd = 24 uur. (Eksperimente in drievoud uitgevoer).

TABEL 5: Katalitische resultate van bensielalkoholoksidasie deur verskillende oksidante oor Zn uitgeruilde PMA katalisators te gebruik.

Oksidant	Omskakeling (%)	Selektiwiteit (%)	
		Bensaldehied	Bensoësuur
Lug	2	94.5	5.5
H ₂ O ₂	6	58.5	41.5
TBHP	40	83.5	16.5

Reaksietoestande: bensielalkohol (10 mmol), katalisator (0,05 g), reaksietemperatuur = kamertemperatuur, reaksietyd = 24 uur. (Eksperimente in drievoud gedoen).

TABEL 6: Katalitische oksidasieresultate met verskillende konsentrasies bensielalkohol oor Zn-uitgeruilde PMA-katalisators.

Bensielalkohol (mmol)	Omskakeling (%)	Selektiwiteit (%)	
		Bensaldehied	Bensoësuur
2	75	76.0	24.0
4	58	79.0	21.0
8	47	80.0	20.0
10	40	83.5	16.5

Reaksietoestande: TBHP (10 mmol), katalisator (0,05 g), reaksietemperatuur = kamertemperatuur, reaksietyd = 24 uur. (Eksperimente in drievoud uitgevoer).

Daar was 'n afname in omskakeling by hoër konsentrasies bensiealkohol; waarskynlik as gevolg van verdunning. Die effek van reaksietyd en herwinbaarheid van die katalisator is bestudeer en die resultate word onderskeidelik in Figuur 4A en 4B getoon. Die figuur toon aan dat die aktiwiteit toegeneem met 'n toename in reaksietyd, maar daar was 'n afname in die selektiwiteit teenoor bensaldehyd, waar-skynlik as gevolg van oormatige oksidasie na bensoësuur, wat 'n relatiewe toename oor tyd getoon het. Nadat dit weer geregenereer is, is die Zn-PMA-katalisator aan verdere studies onderwerp. Daar is 'n effense afname in die aktiwiteit oor drie siklusse, wat ooreenstem met die suurheid van gebruikte katalisators. Daar is ook 'n minimale verandering in die Zn-inhoud na regenerasie.

Gevolgtrekking

Zn-uitgeruilde heteropolisuur-katalisators vertoon 'n hoër oksidasievermoë as Cu-katalisators in die omskakeling van bensielalkohol na bensaldehyd, wat verband hou met die suurheid van die katalisators. XRD- en infrarooi-resultate bevestig dat die primêre struktuur van die Keggin-foon behoue bly, selfs nadat metale in die struktuur opgeneem is, terwyl piridien-geadsorbeerde infrarooispektroskopie getoon het dat die inkorporering van metaal in PMA 'n toename in die B/L-suurposisieverhouding tot gevolg gehad het, terwyl dit afgeneem het vir die metaaluitgeruilde PTA katalisators. ³¹P KMR spektra toon duidelik dat die

fosforomgewing behoue bly, wat daarop duif dat metaal suksesvol met protone uitgeruil is, maar nie die primêre struktuur van heteropolisuur beïnvloed het nie. Die Zn-uitgeruilde PMA-katalisators het 'n 97%-omskakeling van bensielalkohol met 'n 76%-bensaldehyd selektiwiteit opgelewer.

Erkennings

Die outeurs bedank die Universiteit van KwaZulu-Natal, Westville, vir die voorsiening van navorsingsfasiliteite.

Botsende belang

Die outeurs verklaar dat daar geen botsing van belang bestaan nie.


ORCID

Sooboo Singh

<https://orcid.org/0000-0001-5765-1013>

Verwysings

- Bordoloi A, Sahoo S, Lefebvre F, Halligudi SB. 2008. Heteropoly acid-based supported ionic liquid-phase catalysts for the selective oxidation of alcohols. *Journal of Catalysis* 259, 232-239. <https://doi.org/10.1016/j.jcat.2008.08.010>.
- Chen G, Zhou Y, Long Z, et al. 2014. Mesoporous Polyoxometalates-based ionic hybrid as a triphasic catalyst for oxidation of benzyl alcohol with H₂O₂. *ACS Applied Materials and Interfaces* 6, 4438-4446. <https://doi.org/10.1021/am5001757>.
- Choi JH, Kang TH, Bang Y, Song JH, Song IK. 2014. Electrochemical and UV-Visible spectroscopy studies of K₆As₂W₁₈-xMoxO₆₂ (x = 0-3) and Wells-Dawson heteropolyacid catalysts for oxidative dehydrogenation of benzyl alcohol. *Catalysis Communications* 55, 29-33. <https://doi.org/10.1016/j.catcom.2014.06.012>.
- Choudhary VR, Dambre DK, Bhargava SK. 2009. Oxidation of benzyl alcohol to benzaldehyde by tert-butyl hydroperoxide over nanogold supported on TiO₂ and other transition and rare-earth metal oxides. *Industrial Engineering and Chemistry Research* 48, 9471-9478. <https://doi.org/10.1021/ie801883d>.
- Fan J, Pu F, Sun M, et al. 2016. Immobilized bis-layered ionic liquids/peroxotungstates as an efficient catalyst for selective oxidation of alcohols in neat water. *New Journal of Chemistry* 40, 10498-10503. <https://doi.org/10.1039/C6NJ01476C>.
- Farhadji S, Zaidi M. 2009. Polyoxometalate-zirconia (POM/ZrO₂) nanocomposite prepared by sol-gel process: A green and recyclable photocatalyst for efficient and selective aerobic oxidation of alcohols into aldehydes and ketones. *Applied Catalysis A: General* 354, 119-126. <https://doi.org/10.1016/j.apcata.2008.11.024>.
- Farsani MR, Jalilian F, Yadollahi B, Rudbari HA. 2014. A comparative study on Keggin and Wells-Dawson Sandwich type polyoxometalates in the oxidation of alcohols with 30% hydrogen peroxide. *Polyhedron* 76, 102-107. <https://doi.org/10.1016/j.poly.2014.03.060>.
- Fey T, Fischer H, Bachmann S, Albert K, Bolm C. 2001. Silica-supported TEMPO catalysts: synthesis and application in the anelli oxidation of alcohols. *Journal of Organic Chemistry* 66, 8154-8159. <https://doi.org/10.1021/jo010535q>.
- Franz G, Gerhardt W, Sheldon RA. 1991. Ullmann's Encyclopedia of Industrial Chemistry, fifth ed. VCH Weinheim, Germany.
- Haimov A, Neumann R. 2002. Polyethylene glycol as a non-ionic liquid solvent for polyoxometalate catalyzed aerobic oxidation. *Chemical Communications* 876-877. <https://doi.org/10.1039/b200559j>.
- Hasannia S, Yadollahi B. 2015. Zn-Al LDH nanostructures pillared by Fe substituted Keggin type polyoxometalates: Synthesis, characterization and catalytic effect in green oxidation of alcohols. *Polyhedron* 99, 260-265. <https://doi.org/10.1016/j.poly.2015.08.020>.
- Jagadeeswaraiah K, Kumar CR, Prasad PSS, Lingaiah N. 2014. Incorporation of Zn²⁺ ions into the secondary structure of heteropoly tungstate: catalytic efficiency for synthesis of glycerol carbonate from glycerol and urea. *Catalysis Science and Technology* 4, 2969-2977. <https://doi.org/10.1039/C4CY00253A>.
- Khabazzadeh H, Saidi K, Seyed N. 2009. Cu-exchanged heteropolyacids as efficient and reusable catalysts for preparation of 1-amidoalkyl-2-naphthols. *Journal of Chemical Sciences* 121, 429-433. <https://doi.org/10.1007/s12039-009-0050-7>.



FIGUUR 4: Oksidasie van bensiealkohol oor Zn-PMA-katalisators as 'n funksie van tyd (A) en oor drie siklusse (B).

- Ma W, Tong Q, Wang J, et al. 2017. Synthesis and characterization of titanium(IV)/graphene oxide foam: a sustainable catalyst for the oxidation of benzyl alcohol to benzaldehyde. *RSC Advances* 7, 6720-6723. <https://doi.org/10.1039/C6RA27690C>.
- Nadealian Z, Mirkhani V, Yadollahi B, et al. 2012. Selective oxidation of alcohols to aldehydes using inorganic-organic hybrid catalyst based on zinc substituted polyoxometalate and ionic liquid. *Journal of Coordination Chemistry* 65, 1071-1081. <https://doi.org/10.1080/00958972.2011.653965>.
- Nikbakht E, Yadollahi B, Farsani MR. 2015. Green oxidation of alcohols in water by polyoxometalate nano capsule as catalyst. *Inorganic Chemical Communications* 55, 135-138. <https://doi.org/10.1016/j.inoche.2015.03.030>.
- Palermo V, Villabrille PI, Gvazquez P, et al. 2013. Role of vanadium and pyridine in heteropoly compounds for selective oxidation of alcohols with hydrogen peroxide. *Journal of Chemical Sciences* 125, 1375-1383. <https://doi.org/10.1007/s12039-013-0523-6>.
- Park DR, Song JH, Lee SH, et al. 2008. Redox properties of H₃PMo_{W12-x}O₄₀ and H₆P₂Mo_{W18-x}O₆₂ heteropolyacid catalysts and their catalytic activity for benzyl alcohol oxidation. *Applied Catalysis A: General* 349, 222-228. <https://doi.org/10.1016/j.apcata.2008.07.042>.
- Pathan S, Patel A. 2014. Keggin type transition metal substituted phosphomolybdates: heterogeneous catalysts for selective aerobic oxidation of alcohols and alkenes under solvent free condition. *Catalysis Science and Technology* 4, 648-656. <https://doi.org/10.1039/C3CY00717K>.
- Patil U, Saif Y, Hamad EA, et al. 2014. Low temperature activation of methane over a zinc-exchanged heteropolyacid as an entry to its selective oxidation to methanol and acetic acid. *Chemical Communications* 50, 12348-12351. <https://doi.org/10.1039/C4CC04950K>.
- Pope MT. 1991. *Heteropoly and Isopoly Oxometalates*, thirteenth ed. Springer, Berlin.
- Rao KTV, Rao PSN, Nagaraju P, Sai Prasad PS, Lingaiah N. 2012. Room temperature selective oxidation of toluene over vanadium substituted polyoxometalate catalysts. *Journal of Molecular Catalysis A: Chemical* 358, 67-72.
- Regen SL, Koteel C. 1977. Activation through impregnation. Permanganate-coated solid supports. *Journal of American Chemical Society* 99, 3837-3838. <https://doi.org/10.1021/ja00453a053>.
- Sheldon RA. 1991. *Heterogeneous Catalytic Oxidation and Fine Chemicals. Studies in Surface Science and Catalysis* 59, 33-54. [https://doi.org/10.1016/S0167-2991\(08\)61106-4](https://doi.org/10.1016/S0167-2991(08)61106-4).
- Tundo P, Romanelli GP, Vazquez PG, Arico F. 2010. Multiphase oxidation of alcohols and sulfides with hydrogen peroxide catalyzed by heteropolyacids. *Catalysis Communications* 11, 1181-1184. <https://doi.org/10.1016/j.catcom.2010.06.015>.
- Viswanadham B, Pedada J, Friedrich HB, Singh S. 2016. The Role of Copper Exchanged Phosphomolybdic Acid Catalyst for Knoevenagel Condensation. *Catalysis Letters* 146, 1470-1477. <https://doi.org/10.1007/s10562-016-1777-7>.
- Xia QH, Ge HQ, Ye CP, Liu ZM, Su KX. 2005. Advances in Homogeneous and Heterogeneous Catalytic Asymmetric Epoxidation. *Chemical Reviews* 105, 1603-1662. <https://doi.org/10.1021/cr0406458>.
- Zhao H, Zeng L, Li Y, et al. 2013. Polyoxometalate-based ionic complexes immobilized in mesoporous silica as prepared a one-pot procedure: Efficient and reusable catalysts for H₂O₂-mediated alcohol oxidations in aqueous media. *Microporous and Mesoporous Materials* 172, 67-76. <https://doi.org/10.1016/j.micromeso.2012.12.040>.